

ԲՈՒԳԱՐԱԿԱՆ ԵՒ ԵՂԵՑԻ.

Սօֆիայում, Ազգային Ժողովը մարտի 1-ին, ընդունել է կառավարութիւնից առաջարկուած նոր օրինագիծ, որի զօրութեամբ Ռուսաց, Աղէքսանդր Նևսկու անունով կառուցած, եկեղեցին անցնում է բոլգարական պետական գանձարանին՝ իբր սեփականութիւն և վերակոչւում է իրենց առաջին լուսաւորիչներին՝ Կիրիլի և Միթոդիյի անունով: Ապա, այդ օրինագիծն ընդունուելուց յետոյ, կառավարութիւնն առաջարկել է բոլգարական Սինօդին կարևոր միջոցներ ձեռք առնել, որպէս զի այսուհետև բոլգարական եկեղեցին ս. Միլոոնը չստանայ Ռուսաստանից, այլ ինքը պատրաստէ, քանի որ բոլգարական եկեղեցին ևս ինքնավար է: Կառավարութիւնը մոռնել է և մի այլ օրինագիծ, որով Յուլիանեան օրացոյցը փոխարինւում է Գրիգորեանով, պատճառաւանելով Բոլգարիայի և արևմտեան Եւրոպայի ունեցած վաճառական և երևմտական զանազան յարաբերութիւններով: Պատճառաբանութեան մէջ մատնացոյց է անում և այն հանգամանքը, որ կառավարութիւնն ինքն զգում է այն դժուարութիւնները, որ այդ կարգադրութեամբ մեծ փոփոխութիւն պիտի առաջ գայ հոգևոր հաստատութիւնների վարչութեան մէջ, ուստի և ինքն ամեն ձեռնտութիւն ցոյց կը տայ Բոլգար հոգևորականների մէջ այդ առթիւ տարակոյսներն ու երկիւղը վերացնելու համար: Այդ կարգադրութիւնների հետևանքն այն կլինի, որ Բոլգարական ինքնավար և անկախ եկեղեցին այսուհետև ոչ մի կախումն չի ունենայ ուրիշ այլ եկեղեցուց և կդառնայ առանձին և անկախ եկեղեցի:

ԱՄԵՐԻԿԱՆ ԵՒ ՀԱՅԵՐԸ.

Ամերիկայում Հայանպաստ շարժումն աւելի և աւելի լայն խաւեր է գտնում հասարակաց ամեն շրջանում: Վերջերս, ի նկատի ունենալով, այն ահուելի չափերը, որ Հայկական անվերապահ ջարդերն անարգել կատարում են Տաճիկ կառավարութեան ձեռքով, այնտեղ կազմուել է «Հայանպաստ Յանձնաժողով», որ մի դիմում է արել Ամերիկացիներին, ուր ի միջի այլոց կարդում ենք.—

«Մի յատուկ մասնաժողով քննութեան առաւ Լօրդ Բրայսի այն առաջարկը, թէ անպաշտպան Հայեր,—կանայք, երեխաներ,

մանուկներ, — տարագրուած են Միջագետքի և Արարիայի անապատներն ու աւազուտները, ջարդուած և կամ բռնի իսլամութեան են ենթարկուած»:

«Զգուշաւորութեամբ և լռիկ, որչափ հնար է այդ, ստուգութեան են ենթարկուած աղանատեսների գրաւոր վկայութիւնները, որոնց անունները յայտնի են Մասնաժողովին, բայց որ հասկանալի պատճառներով հրապարակ հանել չի կարելի: Այդ վկայութիւնները հարիւրաւոր էջեր են կազմում: Վկաների անպայման արժանահաւատ լինելը և նոցա վկայութիւնների վճռականութիւնը, ոչ մի կասկած չեն թողնում և չափազանց համոզկեր փաստեր են առաջ բերում: Հարց ու փորձի ենթարկուած վկաների շարքում կան Հայեր, Ամերիկացիներ, Եւրոպական զանազան ազգութիւններից անհատներ, ճանապարհորդներ, վաճառականներ, հասարակութեան ամեն խաւի և դիրքի անձեր, վարչական աստիճանաւորներ, զինուորականներ ևն ևն»:

Այդ վկայութիւնների և ոչ բառն ու միտքը կասկածի ենթարկել չէ կարելի: Նոքա ամենքն ևս միաձայն վկայում են, որ Զմիւռնիայից մինչև Պարսկաստան, Սև ծովից մինչև Արարիա Տաճիկ կառավարութեան ձեռքով ու ջանքերով ամէն հնարաւոր միջոցով ի գլուխ է հանւում ոչ-մուսուլման տարրի բնաջնջումը երկրի մէջ, որ թէ իւր չափերով և թէ իւր մոլեռանդութեան թափով շատ աւելի զօրեղ է և անցնում է Աբդիւլ-Համիդի թագաւորութեան օրերին տիրող արիւնաներկ վարչական եղանակը, որ տիրեց նորա ամբողջ կեանքի ընթացքում»:

Յանձնաժողովը ընտրել է մի մարմին հետեւեալ անձերից, — ուսուցչապետ Դիտէն, Զարլզ Քրէյն, Քլիւլենդ Դօջ, Արթիւր Զէյմա, Սթիւարտ Դօջ, Զօն Մօթ, Ռաբբի Ուայդ, Ֆրէնկ Նօրթ, Ստէնլի Հուայթ. Զէյմա Բարթըն, Ուիլեամս Սլօն, որոնք ամեն տեսակ նուիրարբերութիւններ են ստանում, մանաւանդ դրամական, և հասցնում «Հայանապատ Յանձնաժողովի» կենտրոնական մարմինը: